



USAID | BANGLADESH

FROM THE AMERICAN PEOPLE

সংবাদ বিজ্ঞপ্তি

যুক্তরাষ্ট্র সরকার মানব পাচারের বিরুদ্ধে লড়াইয়ে সহায়তা করছে

২রা জুলাই -- যুক্তরাষ্ট্র এবং বাংলাদেশী সরকারী কর্মকর্তাগণ, বেসরকারি সংস্থার প্রতিনিধিগণ, শ্রমিক সংগঠন এবং সুশীল সমাজের অন্যান্য প্রতিষ্ঠানসমূহ আজ ২০১২ মানবপাচার আইন ও মানবপাচার মোকাবেলায় জাতীয় কর্মপরিকল্পনা ২০১২-২০১৪ এর জাতীয় সম্মেলনে অংশগ্রহণ করে। বাংলাদেশে মানব পাচারের বিরুদ্ধে লড়াই ত্বরান্বিত করতে এবং বাংলাদেশের পাচার-বিরোধী আইনী কাঠামোর উন্নয়ন বাস্তবায়নে সুনির্দিষ্ট কর্মউদ্যোগের অঙ্গীকারের লক্ষ্যে এই সম্মেলনের আয়োজন করা হয়। বাংলাদেশী প্রতিষ্ঠানসমূহকে ২০১২ পাচার-বিরোধী আইনের পূর্ণ বাস্তবায়নের লক্ষ্যে যুক্তরাষ্ট্রের রাষ্ট্রদূত ড্যান মজীনা যুক্তরাষ্ট্র সরকারের অঙ্গীকার সম্মেলনে পুনর্ব্যক্ত করেন। রাষ্ট্রদূত মজীনা বলেন যে বাংলাদেশের উচ্চ ২০১২ সালের মানব পাচার রোধ ও প্রশমন আইন (এইচটিডিএসএ) বাস্তবায়নের জন্য নিয়মাবলী চূড়ান্ত, গ্রহণ ও বিতরণ করা এবং এই আইনের বাস্তবায়নের ওপর সরকারী কর্মকর্তাদের প্রশিক্ষণ প্রদান করা। এছাড়া, তিনি পাচার সংক্রান্ত মামলাগুলোর বিচারকার্য অব্যাহত রাখার এবং পাচার সংশ্লিষ্ট অপরাধীদের বিচার সম্পন্ন করার জন্য সরকারের প্রচেষ্টা বৃদ্ধি করার প্রতি আহ্বান জানান।

২০০৮ সাল থেকে যুক্তরাষ্ট্র ইউএসএআইডি'র মাধ্যমে অ্যাকশনস্ ফর কমব্যাটিং ট্রাফিকিং ইন পারসন শীর্ষক কর্মসূচির আওতায় মানব পাচার রোধ করতে, পাচারের শিকারদের সুরক্ষা প্রদান করতে এবং পাচারকারীদের বিরুদ্ধে বিচার ব্যবস্থা নিতে সরকারের ও সুশীল সমাজের প্রচেষ্টায় সহায়তা করছে। সরকারের পর্যবেক্ষণ কর্মকাণ্ডের বিস্তার, পাচারকারীদের গ্রেফতার ও তাদের বিরুদ্ধে বিচারব্যবস্থা গ্রহণ বৃদ্ধি এবং শ্রমিক নিয়োগকারী সংস্থার ওপর নজরদারি বৃদ্ধি করার প্রচেষ্টায় যুক্তরাষ্ট্রের সহায়তা উপদেশমূলক প্রচেষ্টা সংক্রান্ত অবদান রেখেছে।

বিগত ১৯৭১ সাল থেকে যুক্তরাষ্ট্র সরকার 'ইউএসএআইডি'র মাধ্যমে ছয়'শ কোটি ডলারেরও বেশী উন্নয়ন সহায়তা প্রদান করেছে। শুধুমাত্র ২০১২ সালে 'ইউএসএআইডি' বাংলাদেশে জনগণের জীবনমানের উন্নয়নে বিশ কোটি ডলার প্রদান করেছে। 'ইউএসএআইডি' বাংলাদেশে যেসকল কর্মসূচীতে সহায়তা প্রদান করে সেগুলোর মধ্যে রয়েছে -- গণতান্ত্রিক প্রতিষ্ঠানসমূহের প্রসার ও অনুশীলন, খাদ্য নিরাপত্তা ও অর্থনৈতিক সুবিধাদির সম্প্রসার, স্বাস্থ্য ও শিক্ষা সেবার উন্নয়ন এবং অভিযোজন ও স্বল্প কার্বন উন্নয়নের মাধ্যমে জলবায়ু পরিবর্তন পরিস্থিতির সাথে খাপ খাওয়ানো।

EMBASSY OF THE UNITED STATES OF AMERICA
PUBLIC AFFAIRS SECTION
TEL: 880-2-883-7150-4 FAX: 880-2-9881677, 9885688
E-MAIL: DhakaPA@state.gov WEBSITE: <http://dhaka.usembassy.gov>